

ब्रह्मणस्पति सूक्तम्

सो॒मानं॑ स्वर॒णं कृ॑णुहि ब्र॒ह्मण॑स्पते ।
क॒क्षीव॑न्तं य औ॒शिजः॑ ॥ १ ॥

यो रे॒वान्यो॑ अ॒मीव॑हा व॒सुवि॑त्पु॒ष्टि॒वर्ध॑नः ।
स नः॑ सि॒षक्तु॑ य स्तु॒रः ॥ २ ॥

मा नः॑ शंसो अ॒रुरु॑षो धूर्तिः॑ प्र॒णञ्च॑त्यस्य ।
र॒क्षा णो॑ ब्र॒ह्मण॑स्पते ॥ ३ ॥

स घा॑ वी॒रो न रि॑ष्यति यमिन्द्रो ब्र॒ह्मण॑स्पतिः ।
सोमो॑ हि॒नोति॑ म॒र्त्यम् ॥ ४ ॥

त्वं तं ब्र॒ह्मण॑स्ते सोम॒ इन्द्र॑श्च म॒र्त्यम् ।
दक्षि॑णा पा॒त्वंह॑सः ॥ ५ ॥

उत्ति॑ष्ठ ब्र॒ह्मण॑स्पते दे॒वय॑न्तस्त्वेमहे ।
उप॒ प्र य॑न्तु म॒रुतः॑ सु॒दान॑व इन्द्र॒ प्राशू॑र्भवा स॒चा ॥ ६ ॥

त्वामि॑द्धि स॒हस॑स्पुत्र म॒र्त्य उप॑ब्रूते ध॒ने हि॒ते ।

सु॒वीर्यं॑ मरु॒त आ स्व॒श्रयं॑ दधी॒त यो व॑ आच॒के ॥ ७ ॥

प्रै॒तु ब्र॒ह्मण॑स्पतिः प्र दे॒व्येतु॑ सू॒नृता॑ ।
अच्छा॑ वी॒रं नर्यं॑ प॒ङ्क्ति॑राधसं दे॒वा य॒ज्ञं न॑यन्तु नः ॥ ८ ॥

यो वा॒घते॑ ददा॒ति सू॒नरं॑ वसु॒ स ध॑त्ते अक्षि॒ति श्रवः॑ ।
तस्मा॑ इ॒ळां सु॒वीरा॑ मा य॒जामहे॑ सु॒प्रतू॑र्तिमनेहसम् ॥ ९ ॥

प्र नू॒नं ब्र॒ह्मण॑स्पतिर्मन्त्रं वदत्यु॒क्थ्यम् ।
यस्मि॒न्निन्द्रो॑ वरु॒णो मि॒त्रो अर्य॑मा दे॒वा ओका॑ंसि चक्रिरे ॥ १० ॥

तमि॒द्वोचे॑मा विदथे॒षु शं॒भुवं मन्त्रं॑ दे॒वा अने॑हसम् ।
इ॒मां च वाचं॑ प्र॒तिह॑र्यथा नरो वि॒श्वेद्वा॒मा वो अ॑श्नवत् ॥ ११ ॥

को दे॒वय॑न्तम॒श्नव॑ज्जनं को वृ॒क्तब॑र्हिषम् ।
प्र॒प्र दा॒श्चान्प॒स्त्याभि॑रस्थितान्तर्वाव॒त्क्षयं॑ दधे ॥ १२ ॥

उप॑ क्षत्रं पृ॒ञ्चीत॑ हन्ति राज॒भिर्भये॑ चित्सु॒क्षिति॑ दधे ।
नास्य॑ वर्ता न तरु॒ता म॒हाध॑ने ना॒र्भे अ॒स्ति व॒ज्रिणः॑ ॥ १३ ॥

ग॒णानां॑ त्वा गण॒पतिं॑ हवामहे क॒विं क॒वीना॑मुपमश्रवस्तमम् ।
ज्येष्ठ॑राजं ब्र॒ह्मणां॑ ब्र॒ह्मण॑स्पत आ नः शृ॒ण्वन्नू॑तिभिः सीद सा॒दनम्॑ ॥ १४ ॥

दे॒वाश्चि॑त्ते अ॒सुर्य॑ प्र॒चेत॑सो बृ॒हस्प॑ते य॒ज्ञियं॑ भा॒गमा॑न॒शुः ।
उ॒स्त्रा॒इव॑ सू॒र्यो ज्यो॑तिषा म॒हो वि॒श्वेषा॑मि॒ज्जनि॑ता ब्र॒ह्म॑णाम॒सि ॥ १५ ॥

आ वि॒बाध्या॑ परि॒राप॑स्त॒मांसि॑ च ज्यो॒तिष्म॑न्तं रथ॑मृ॒तस्य॑ तिष्ठ॒सि ।
बृ॒हस्प॑ते भी॒ममि॑त्र॒दम्भ॑नं रक्षो॒हणं॑ गो॒त्रभि॑दं स्व॒र्विद॑म् ॥ १६ ॥

सु॒नीति॑भिर्नय॒सि त्रा॑य॒से ज॒नं य॑स्तु॒भ्यं दा॑शा॒न्न तमं॑हो अ॒श्नव॑त् ।
ब्र॒ह्मद्वि॑ष॒स्तप॑नो म॒न्युमी॑र॒सि बृ॒हस्प॑ते म॒हि त॑त्ते म॒हित्व॑नम् ॥ १७ ॥

न तमं॑हो न दु॒रितं॑ कु॒तश्च॑न ना॒रात॑य॒स्तिरु॑र्न द्वा॒यावि॑नः ।
वि॒श्वा इ॒दस्मा॑द्ध्व॒रसो॑ वि बा॒धसे॑ यं सु॒गोपा॑ रक्ष॒सि ब्र॒ह्म॑णस्प॒ते ॥ १८ ॥

त्वं नो॑ गो॒पाः प॑थि॒कृद्वि॑चक्ष॒णस्त॑व व्र॒ताय॑ म॒तिभि॑र्ज॒राम॑हे ।
बृ॒हस्प॑ते यो नो॑ अ॒भि ह॑रो द॒धे स्वा॑ तं म॒र्मर्तु॑ दु॒च्छु॒ना ह॑र॒स्वती ॥ १९ ॥

उ॒त वा॑ यो नो॑ म॒र्चया॑दना॒गसो॑ऽरा॒तीवा॑ म॒र्तः सा॒नुको॑ वृ॒कः ।
बृ॒हस्प॑ते अ॒प तं॑ वर्त॒या प॑थः सु॒गं नो॑ अ॒स्यै दे॒ववी॑तये कृ॒धि ॥ २० ॥

त्रा॒तारं॑ त्वा त॒नूनां॑ ह॒वाम॑हेऽव॒स्प॒र्तर॑धि॒वक्ता॑र॒मस्म॑युम् ।
बृ॒हस्प॑ते दे॒वनि॑दो नि ब॒र्हय॑ मा दु॒रेवा॑ उ॒त्तरं॑ सु॒म्नमु॑न्न॒शन् ॥ २१ ॥

त्वया॑ वयं॑ सुवृ॒धा ब्र॒ह्मण॑स्पते॒ स्पर्हा॑ वसु॒ मनु॑ष्या द॒दीमहि॑ ।
या नो॑ दू॒रे त॒ल्लितो॒ या अ॒रातयो॑ऽभि सन्ति॒ जग्भ॑या ता अ॒न॒प्रसः॑ ॥ २२ ॥

त्वया॑ वयमु॒त्तमं॑ धी॒महे॒ वयो॑ बृ॒हस्प॑ते प॒प्रिणा॑ स॒स्मिना॑ युजा ।
मा नो॑ दुः॒शंसो॑ अभिदि॒प्सुरी॑शत प्र सु॒शंसा॑ म॒तिभि॑स्तारिषीमहि ॥ २३ ॥

अ॒नानु॑दो वृ॒षभो॑ जग्मि॒राह॑वं नि॒ष्टप्ता॑ शत्रुं पृ॒तना॑सु सा॒सहिः॑ ।
अ॒सि स॒त्य ऋ॒णया॑ ब्र॒ह्मण॑स्पत उ॒ग्रस्य॑ चिद॒मिता॑ वी॒ळुह॑र्षिणः ॥ २४ ॥

अ॒देवे॑न म॒नसा॑ यो रि॒षण्य॑ति शा॒सामु॑ग्रो म॒न्यमा॑नो जिघांसति ।
बृ॒हस्प॑ते मा प्र॒णक्त॑स्य नो व॒धो नि॒ कर्म॑ म॒न्युं दुरे॑वस्य शर्धतः ॥ २५ ॥

भ॒रेषु॑ ह॒व्यो न॑मसोप॒सद्यो॑ गन्ता॒ वाजे॑षु स॒निता॑ धनं॒धनम्॑ ।
वि॒श्वा इ॒दर्यो॑ अभिदि॒प्स्वोऽमृ॑धो बृ॒हस्प॑तिर्वि ववर्हा रथाँ॑ इव ॥ २६ ॥

तेजि॑ष्ठया तपनी रक्ष॒सस्त॑प ये त्वा नि॒दे द॑धिरे दृ॒ष्टवी॑र्यम् ।
आ॒विस्त॑त्कृ॒ष्व यद॑सत्त उ॒क्थ्यं॑ बृ॒हस्प॑ते वि परि॒रापो॑ अ॒र्दय॑ ॥ २७ ॥

बृ॒हस्प॑ते अति॒ यद॑र्यो अ॒र्हाद्द्यु॑मद्विभाति॒ क्रतु॑म॒ज्जने॑षु ।
यद्दी॒दय॑च्छवस ऋत॒प्रजा॑त तद॒स्मासु॑ द्रविणं धेहि चि॒त्रम् ॥ २८ ॥

मा नः॑ स्ते॒नेभ्यो॒ ये अ॒भि दृ॒हस्प॑दे नि॒रामि॑णो रि॒पवो॑ऽन्नेषु जागृ॒धुः ।

आ दे॒वाना॒मो॒ह॒ते वि॒त्रयो॑ ह॒दि बृ॑ह॒स्पते॒ न परः॑ सा॒मनोः॑ वि॒दुः ॥ २९ ॥

वि॒श्वेभ्यो॑ हि त्वा भुव॑नेभ्यस्परि॒ त्वष्टा॑जनत्सा॒मनः॑सा॒मनः॑ क॒विः ।
स ऋ॑णचिदृ॒णया॒ ब्रह्म॑णस्पतिर्दु॒हो ह॒न्ता मह॑ ऋ॒तस्य॑ ध॒र्तरि॑ ॥ ३० ॥

तव॑ श्रि॒ये व्य॑जिहीत॒ पर्व॑तो ग॒वां गो॒त्रमु॑दसृ॒जो यद॑ङ्गिरः ।
इ॒न्द्रेण॑ यु॒जा तम॑सा॒ परी॑वृतं बृह॒स्पते॒ निर॑पामौ॒ब्जो अ॑र्णवम् ॥ ३१ ॥

ब्रह्म॑णस्पते॒ त्वम॑स्य य॒न्ता सू॒क्तस्य॑ बो॒धि तन॑यं च जि॒न्व ।
वि॒श्वं तद्भ॑द्रं यदव॑न्ति दे॒वा बृ॑हद्व॒देम॑ वि॒दथे॑ सु॒वीराः॑ ॥ ३२ ॥

से॒माम॑वि॒ड्धि प्र॑भृतिं य ई॒शिषे॑ऽया वि॒धेम॑ न॒वया॑ म॒हा गि॑रा ।
यथा॑ नो मी॒ढ्वान्त॑स्तव॒ते सखा॑ तव बृह॒स्पते॒ सी॒षधः॑ सो॒त नो॑ म॒तिम् ॥ ३३ ॥

यो न॑न्त्वान्यनम॒न्यो ज॑सोता॒दर्द॑र्मन्युना श॒म्बरा॑णि वि ।
प्रा॒च्याव॑यदच्यु॒ता ब्रह्म॑णस्पति॒रा चा॑वि॒शद्व॑सु॒मन्तं॑ वि पर्व॑तम् ॥ ३४ ॥

तद्दे॒वानां॑ दे॒वत॑माय॒ कर्त्त्व॑मश्र॒थन॑न्दृ॒ळ्हाव॑र॒दन्त॑ वी॒ळिता॑ ।
उ॒द्रा आ॑जदभि॒नद्ब्र॑ह्मणा॒ वल॑मगू॒हत्त॑मो व्य॒चक्ष॑यत्स्वः ॥ ३५ ॥

अ॒श्मास्य॑मव॒तं ब्रह्म॑णस्पति॒र्मधु॑धारम॒भि य॑मोजसा॒तृण॑त् ।
तमे॒व वि॒श्वे प॑पिरे॒ स्वर्दृ॑शो॒ बहु॑ सा॒कं सि॑सिचु॒रुत्स॑मु॒द्रिण॑म् ॥ ३६ ॥

स॒ना ता का चि॒द्भु॒वना॑ भ॒वी॒त्वा मा॒द्भिः॑ शर॒द्भिर्दु॒रो वर॑न्त वः ।
अ॒यत॑न्ता चरतो अ॒न्यद॑न्यदि॒द्या च॒कार॑ व॒युना॑ ब्र॒ह्म॒णस्प॑तिः ॥ ३७ ॥

अ॒भि॒नक्ष॑न्तो अ॒भि ये त॑मा॒नशु॑र्निधिं प॒णीनां॑ प॒रमं॑ गु॒हा हि॑तम् ।
ते वि॒द्वांसः॑ प्र॒तिच॑क्ष्या॒नृता॑ पु॒नर्य॑त उ॒ आय॑न्तदु॒दीयु॑रावि॒शम् ॥ ३८ ॥

ऋ॒तावा॑नः प्र॒तिच॑क्ष्या॒नृता॑ पु॒नरा॑त आ त॒स्थुः क॒वयो॑ म॒हस्प॑थः ।
ते बा॒हुभ्यां॑ ध॒मित॑म॒ग्निम॑श्म॒नि न॒किः॒ षो अ॒स्त्य॑रणो ज॒हुर्हि॑ तम् ॥ ३९ ॥

ऋ॒तज्ये॑न क्षि॒प्रेण॑ ब्र॒ह्म॒णस्प॑तिर्यत्र व॒ष्टि प्र तद॑श्नोति ध॒न्वना॑ ।
तस्य॑ सा॒ध्वीरि॑षवो या॒भिर॑स्यति नृ॒चक्ष॑सो दृ॒शये॑ क॒र्नयो॑नयः ॥ ४० ॥

स सं॑नयः स वि॑नयः पु॒रोहि॑तः स सु॒ष्टुतः॑ स यु॒धि ब्र॒ह्म॒णस्प॑तिः ।
चा॒क्ष्मो य॒द्वाजं॑ भ॒रते॑ म॒ती ध॒नादि॑त्सूर्यस्तपति तप्यतु॒र्वथा॑ ॥ ४१ ॥

वि॒भु प्र॒भु प्र॑थमं मे॒हना॑वतो बृ॒हस्प॑तेः सु॒विद॑न्नाणि रा॒ध्या ।
इ॒मा सा॒तानि॑ वे॒न्यस्य॑ वा॒जिनो॑ येन ज॒ना उ॒भये॑ भु॒ञ्जते॑ वि॒शः ॥ ४२ ॥

योऽव॑रे वृ॒जने॑ वि॒श्वथा॑ वि॒भुर्म॑हामु र॒ण्वः श॑वसा ववक्षिथ ।
स दे॒वो दे॒वान्प्र॑ति पप्रथे पृथु विश्वे॒दु ता परि॑भूर्ब्र॒ह्म॒णस्प॑तिः ॥ ४३ ॥

वि॒श्वं॑ स॒त्यं॑ म॒घवा॑ना यु॒वो॒रि॒दाप॑श्चन प्र मि॒नन्ति॑ व्र॒तं वा॑म् ।
अ॒च्छे॑न्द्राब्रह्म॒णस्प॑ती ह॒विर्नो॑ऽन्नं यु॒जे॒व वा॑जि॒ना जि॑गातम् ॥ ४४ ॥

उ॒ताशि॑ष्ठा अ॒नु शृ॑ण्वन्ति व॒ह्यः स॒भेयो॑ विप्रो॒ भर॑ते म॒ती ध॑ना ।
वी॒लु॒द्वेषा॑ अ॒नु व॑श ऋ॒णमा॑ददिः स ह॒ वा॒जी स॒मि॒थे ब्र॑ह्म॒णस्प॑तिः ॥ ४५ ॥

ब्रह्म॒णस्प॑तेर॒भव॑द्यथाव॒शं स॒त्यो म॒न्युर्म॑हि क॒र्मा क॑रिष्यतः ।
यो गा उ॒दाज॑त्स दि॒वे वि चा॑भजन्मही॒व री॑तिः श॒वसा॑सरत्पृथक् ॥ ४६ ॥

ब्रह्म॒णस्प॑ते सु॒यम॑स्य वि॒श्वहा॑ रा॒यः स्या॑म र॒थ्यो॒ऽव॑यस्वतः ।
वी॒रेषु॑ वी॒राँ उप॑ पृ॒डि॒ध न॒स्त्वं य॑दी॒शानो॑ ब्रह्म॒णा वे॑षि मे ह॒वम् ॥ ४७ ॥

ब्रह्म॒णस्प॑ते त्वम॑स्य य॒न्ता सू॒क्तस्य॑ बो॒धि त॑नयं च जि॒न्व ।
वि॒श्वं तद्भ॑द्रं यद॒वन्ति॑ दे॒वा बृ॒हद्व॑दे॒म वि॒दथे॑ सु॒वीराः॑ ॥ ४८ ॥

इ॒न्धानो॑ अ॒ग्निं व॑नवद्वनुष्यतः कृ॒तब्र॑ह्मा शू॒शुव॑द्रा॒तह॑व्य इत् ।
जा॒तेन॑ जा॒तम॑ति स प्र स॒र्स॒ते यं॑यं यु॒जं कृ॑णुते ब्रह्म॒णस्प॑तिः ॥ ४९ ॥

वी॒रेभि॑र्वी॒रान्व॑नवद्वनुष्यतो गो॒भी र॑यिं प॒प्रथ॑द्वो॒धति॑ त्म॒ना ।
तो॒कं च॑ तस्य त॒नयं॑ च वर्ध॒ते यं॑यं यु॒जं कृ॑णुते ब्रह्म॒णस्प॑तिः ॥ ५० ॥

सि॒न्धुर्न॑ क्षोदः शि॒मीवाँ॑ ऋ॒घाय॑तो वृ॒षे॒व व॑धी॒रभि॑ व॒ष्ट्यो॒जसा॑ ।

अ॒ग्ने॒रिव॑ प्र॒सि॒तिर्ना॒ह॒ वर्त॑वे॒ यं॒ यं॒ यु॒जं॑ कृ॒णु॒ते ब्र॒ह्म॒ण॒स्पतिः॑ ॥ ५१ ॥

तस्मा॑ अ॒र्षन्त॑ दि॒व्या अ॒सश्च॑तः स स॒त्वभिः॑ प्रथ॒मो गो॑षु गच्छति ।
अ॒नि॒भृ॒ष्टत॑वि॒षिर्ह॒न्त्यो॒जसा॑ यं॒ यं॒ यु॒जं॑ कृ॒णु॒ते ब्र॒ह्म॒ण॒स्पतिः॑ ॥ ५२ ॥

तस्मा॑ इ॒द्वि॒श्वे॑ धु॒नय॑न्त॒ सिन्ध॑वोऽच्छि॒द्रा शर्म॑ दधिरे पु॒रूणि॑ ।
दे॒वानां॑ सु॒म्ने सु॒भगः॑ स ए॒धते॑ यं॒ यं॒ यु॒जं॑ कृ॒णु॒ते ब्र॒ह्म॒ण॒स्पतिः॑ ॥ ५३ ॥

ऋ॒जुरि॑च्छं॒सो वन॑वद्व॒नुष्य॑तो दे॒वय॑न्नि॒ददे॑वयन्तम॒भ्यस॑त् ।
सु॒प्रा॒वीरि॑द्वनवत्पृ॒त्सु दु॒ष्टरं॑ यज्वे॒दय॑ज्योर्वि॒ भजा॑ति भो॒जनम्॑ ॥ ५४ ॥

यज॑स्व वी॒र प्र॑ वि॒हि म॑नायतो भ॒द्रं म॑नः कृ॒णुष्व॑ वृ॒त्रतू॑र्ये ।
ह॒विष्कृ॑णुष्व सु॒भगो॑ यथा॒ससि॑ ब्र॒ह्म॒ण॒स्पते॒रव॒ आ वृ॑णीमहे ॥ ५५ ॥

स इ॒ज्जने॑न स वि॒शा स जन्म॑ना स पु॒त्रैर्वा॑जं भ॒रते॑ ध॒ना नृ॑भिः ।
दे॒वानां॑ यः पि॒तर॑मा॒विवा॑सति श्र॒द्धाम॑ना ह॒विषा॑ ब्र॒ह्म॒ण॒स्पति॑म् ॥ ५६ ॥

यो अ॒स्मै ह॒व्यैर्घृ॑तव॒द्भिर॑वि॒धत्प्र॑ तं प्रा॒चा न॑यति ब्र॒ह्म॒ण॒स्पतिः॑ ।
उ॒रुष्य॑तीमं॒हसो॑ रक्ष॒ती रि॒षो॒ऽहो॑श्चि॒दस्मा॑ उ॒रुच॑क्रि॒रद्भु॑तः ॥ ५७ ॥

तमु॒ ज्येष्ठं॑ नम॒सा ह॒विर्भिः॑ सु॒शेवं॑ ब्र॒ह्म॒ण॒स्पतिं॑ गृणीषे ।
इन्द्रं॑ श्लो॒को म॒हि दै॒व्यः सि॒षकु॑ यो ब्र॒ह्म॒णो दे॒वकृ॑तस्य रा॒जा ॥ ५८ ॥

इ॒यं वां॑ ब्र॒ह्मण॑स्प॒ते सु॒वृ॒क्तिर्ब्र॑ह्मेन्द्रा॒य व॒ज्रि॒णे अ॒का॒रि ।
अ॒वि॒ष्टं धि॒यो जि॒गृ॒तं पु॒रं॑धी॒र्ज॒ज॒स्त॒म॒र्यो व॒नु॒षा॒म॒रा॒तीः ॥ ५९ ॥

च॒त्तो इ॒तश्च॑त्ता॒मु॒तः सर्वा॑ भू॒णान्या॑रु॒षी ।
अ॒रा॒य्यं ब्र॒ह्मण॑स्प॒ते ती॒क्ष्ण॑शृ॒ङ्गो॒दृ॒ष॒न्नि॒हि ॥ ६० ॥

अ॒दो य॒द्दारु॑ प्ल॒व॒ते सि॒न्धोः पा॒रे अ॒पू॒रु॒ष॒म् ।
तदा॑ र॒भ॒स्व दु॒र्ह॒णो ते॒न ग॒च्छ॑ प॒र॒स्तर॑म् ॥ ६१ ॥

अ॒ग्नि॒र्ये॒न वि॒रा॒ज॒ति सू॒र्यो ये॒न वि॒रा॒ज॒ति ।
वि॒रा॒ज्ये॒न वि॒रा॒ज॒ति ते॒ना॒स्मान् ब्र॒ह्म॒णा॒स्प॒ते वि॒रा॒ज॒ स॒मि॒धं कुरु॑ ॥ ६२ ॥

यत्र॑ बा॒णाः संप॑त॒न्ति कु॒मा॒रा वि॒शि॒खा इ॒व ।
तत्रा॑ नो ब्र॒ह्म॒ण॒स्प॒ति॒र॒दि॒तिः श॒र्म य॒च्छ॒तु वि॒श्वा॒हा श॒र्म य॒च्छ॒तु ॥ ६३ ॥

यदि॑न्द्र ब्र॒ह्मण॑स्प॒तेऽभि॒द्रो॒हं च॒रा॒म॒सि ।
प्र॒चे॒ता न आ॒ङ्गि॒र॒सो द्वि॒ष॒तां पा॒त्वंह॑सः ॥ ६४ ॥

नि॒ षु सी॑द गण॒प॒ते ग॒णेषु॑ त्वा॒माहु॑र्विप्र॒त॒मं क॒वी॒नाम् ।
न ऋ॒ते त्वत्क्रि॑य॒ते किं॒च॒ना॒रे म॒हा॒म॒र्कं म॒घ॒वन् चि॒त्र॒म॒र्च ॥ ६५ ॥

अ॒यं मे॑ ह॒स्तो॑ भ॒गवान॑यं मे॒ भग॑वत्तरः ।
अ॒यं मे॑ वि॒श्वभे॑षजोऽयं शि॒वाभि॑मर्शनः ॥ ६६ ॥

॥ इति श्री ब्रह्मणस्पति सूक्तं संपूर्णम् ॥